

*Exemple.*

On lit qu'une fois Sainct Martin chantoit messe, & sainct Brice luy aidoit, lequel vit derrière l'autel le diable qui mettoit en escrit tous les pechez qu'on faisoit à l'Eglise: comme en riant, & en parlant & empeschant se diuin office. Si aduint que quand il eut beaucoup escrit, & qu'il n'auoit assez de parchemin pour escrire cela qui encores se disoit, il le tira aux dents si fort qu'il le rompit, & se heurta la teste au mur. Quand sainct Brice le vit, il se print à rire bien fort, quant sainct Martin eut acheué la messe, il le blasma pource qu'il auoit ris au moustier. Sainct Brice luy dit la cause, & sainct Martin coniura le diable qu'il luy dit tout ce qu'il escriuoit, lequel luy dit que c'estoyent les pechez qu'on faisoit à l'Eglise. Sainct Martin le prescha au peuple, & ils s'en confesserent tous: & par ainsi le diable fut contrainct escacer ce qu'il auoit escrit.

*Exemple.*

On lit d'une vieille quant elle estoit à l'Eglise, elle rioit tousiours & murmuroit & empeschoit ses compagnes de faire & dire leurs oraisons combien qu'en toutes autres choses elle se gardoit bien de pecher. Quant elle fut morte, on trouua tous les membres du corps beaux & netz, fors que la langue: car par la bouche luy yssit vn grand serpent avec grand nombre de crapaux qui luy mangeoyent la langue.

C'est